

巴陵縣志卷之四十三

人物志十六 耆壽上

例貢生湯有德百歲五代同堂乾隆五十六年 旌表建坊
賜昇平人瑞扁額

蕭嵩山九十九歲五代同堂

羅懷璧九十七歲五代同堂 賜頂戴

例貢生葛健侯何加松並九十六歲五代同堂 恩賚健侯粟

帛加松 恩賜六品 舊志葛作萬今
據採訪冊改

龔良玉九十五歲五代同堂乾隆四十九年 旌 賜髦齡垂

裕額

巴陵縣志  卷之四十三 人物志十六耆壽上

何建遠劉朝智向震劉永麒劉廷彩李殿元九十四歲建遠乾

隆四十九年 旌 賜髦齡垂裕額五代同堂朝智向震永麒

亦五代同堂向震著有日省詩集

增生程銘璜張為已九十一歲銘璜妻賀壽八十七孫樂桃

恩貢生壽九十四均五代同堂見人物為已嘉慶元年 恩賜

八品

李之香陳天望周后裔游大里孔崇學黃邦正魏興治九十歲

之香嘗倡修橋梁天望嘉慶元年 賜七品

謝宗級九十四歲五代同堂 恩賚扁額

吏員考授正八品彭啓爵八十三歲子之淇庠生壽八十均五

代同堂之滋歲貢生孫世瑛五經解元世瑞庠生曾孫應銓

恩貢生應震 恩舉人應壯廩生元孫昌隆歲貢生昌運進士

李炳榮妻方均七十八歲五代同堂

以上癸亥志

湯品南百五歲道光十七年 旌表建坊長子耀平壽九十六

同治元年呈報次子芳輝監生 誥贈八品子婦李氏壽九十

均五代同堂

李邦義姚聖書百歲五代同堂聖書曾孫勳璣均附貢生

陳體仁九十八歲李海芳傅亞義九十六歲章覺春九十五歲

楊以仁彭美容龔禹重九十二歲李咸若九十一歲李蟾宮楊

洪詔陳因高九十歲張緒棟八十九歲孫文圭八十八歲劉人

巴陵縣志

卷之四十三

人物志十六耆壽上

二

長八十七歲監生潘昆元八十六歲李永茂八十四歲周文新

八十一歲例貢生殷在竹王省齋八十歲並五代同堂禹重妻

周壽九十二歲子品華壽九十一均五代同堂緒棟妻 壽八

十六

以上壬申志

陳天桂百一歲許欽誥邑庠生殷蘭梁采芳周精義范秀月百

歲易凱風李清溪何海邦九十九歲殷蘭采芳凱風五代同堂

殷蘭同治二年呈請建坊蘭子先縉壽九十子婦周壽九十二

夫婦偕老同治十三年呈報三子製錦孫仕敏又新夢彌俱庠

生曾孫家珪廩生采芳 賜松茂瓜絲額清溪子暎華壽九十

四

歲貢生永綏訓導劉良浩九十八歲晏世重徐魯珍九十七歲
良浩五代同堂魯珍子章甫壽九十

傅羣芳張維坤李秋實彭景陽黃文希胡協和傅志道趙台之
孫敬承宋勝德萬海揚並九十六歲海揚五代同堂羣芳中年
失偶終身不娶合之倡修文昌閣敬收字紙

誥封奉直大夫汪正辭李顯俊許國義胡昌貴並九十五歲昌
貴子爲龍壽九十二

晏復旦盧欽若王廣澤魏安常傅廷序彭應祥並九十四歲廷
序應祥五代同堂應祥曾孫發源庠生

邵德備周正音劉必達袁美玉李和音儒林郎謝志遠增生歐
巴陵縣志

卷之四十三

人物志十六耆壽上

三

陽夔彭善長並九十三歲必達眼觀五代志遠曾孫盛何歲貢
生

晏融安劉爲質彭茂春王秀福孫輝映姚乘六李南陽張德盈
並九十二歲

州吏目許忠俊談德淨許利安周恩樂張植三許鳳壽彭應元
陳與寬萬成章張德南榮作然劉百成袁以興袁大成並九十
一歲忠俊妻李壽九十二子良詠候選同知登瀛庠生以興妻
李壽九十一大成妻鄒壽九十三思樂好調貧乏

來鳳知縣黃升之孫學禮張遇春劉金萬徐元音任東魯許觀
君魏盛朝邑庠生謝景憲監生周春圃周官秦汪次書屈瓊英

任周甫登仕郎鄧復起劉可齋彭昌堅考授正八品李治川何瑞世榮萬里章其明萬曦升山東知縣萬發桓謝繼芳向朗山傅楷陳墨綬並九十歲學禮發桓傅楷墨綬均五代同堂學禮妻任壽九十夫婦生死同年葬同日次書兄弟六人壽皆七十餘友愛彌篤治家寬嚴有法內外百餘人咸遵約束鄰里稱之萬里曾拾湘陰胡某遺金三十兩還之復起可齋均中年失偶終身不娶元音子進達庠生治川曾孫羣超歲貢生繼芳子祖珪庠生朗山子貴珂庠生

彭希謨余高也八十九歲五代同堂希謨子輝字壽八十二高也妻黃壽九十

巴陵縣志

卷之四十三

人物志十六耆壽上

四

王春圃八十七歲彭昌材八十六歲陳懷西八十四歲李松山八十二歲並五代同堂懷西妻雷亦八十四歲春圃子雲衢庠生兆泰廩生孫八人心一暇亭青棠庠生青棣廩生士清歲貢生曾孫十九人慶奎庠生安徽知縣歷署繇昌桐城等縣慶雲庠生元孫二人炳堃庠生昌材子名芬庠生

方爲貴現年九十六姚天祥九十四熊玉亭九十三郭訓和九十二爲貴五代同堂

包有光李一琮林首善劉文波監生章清軒現年並九十一清軒眼觀五代首善五品頂戴一琮孫光浣庠生

張緒堂從九周伊言邑庠生李植華熊濟高李進高現年並九

十緒堂妻朱伊言妻龔均現年九十
植華子乾廷彪峩均庠生
炎安徽巡檢

陳孔茂現年八十四邑庠生李時中現年八十並五代同堂
從九高承任現年九十二彭次堦壽九十邑庠生彭會嘉壽八
十四承任子試陽邑庠生會嘉子承竹承葵俱從九承棠廩生
恩貢生任安仁縣教諭彭名浣壽八十六歲著有蜀章吟和陶
俱詩

巴陵縣志

卷之四十三

人物志十六 耆壽上

五